

155

Na osnovu člana 9. Zakona o kantonalnim ministarstvima i drugim organima kantonalne uprave ("Službene novine HNK", broj: 4/98. i 1/02.), te člana 5. Zakona o prosvjetnoj inspekciji ("Službene novine HNK", broj: 4/04.) ministar Ministarstva obrazovanja, nauke, kulture i sporta HNK d o n o s i

P R A V I L N I K

O OBLIKU I SADRŽAJU ISKAZNICE GLAVNOG PROSVJETNOG INSPEKTORA I PROSVJETNOG INSPEKTORA

Član 1.

Ovim Pravilnikom propisuje se oblik i sadržaj službene iskaznice prosvjetnog inspektora, odnosno glavnog prosvjetnog inspektora Ministarstva obrazovanja, nauke, kulture i sporta HNK (u daljnjem tekstu: Ministarstvo), način izdavanja i zamjena iskaznice, te vođenje evidencije o izdanim ili zamijenjenim iskaznicama.

Član 2.

Iskaznica predstavlja javnu ispravu kojom inspektor dokazuje službenu funkciju, identitet i ovlaštenja predviđena zakonom.

Inspektor je dužan nositi iskaznicu za vrijeme obavljanja inspeksijskog nadzora i pokazati je prilikom obavljanja inspeksijskog nadzora za koji je zakonom ovlašten.

Član 3.

Obrazac iskaznice izrađuje se na debljem papiru bijele boje veličine 95 x 60mm, a zaštićen je omotom od prozirne mase.

Iskaznica inspektora sadrži podatke o identitetu inspektora, fotografiju inspektora, grb Kantona i druge podatke predviđene u obrascu iskaznice i to:

- glavni prosvjetni inspektor prema obrascu broj 1,
- prosvjetni inspektor prema obrascu broj 2.

Obrasci iskaznice iz stava 1. ovoga člana nalaze se u prilogu Pravilnika i čine njegov sastavni dio.

Član 4.

Iskaznicu inspektor izdaje ministar Ministarstva u čijoj nadležnosti se nalazi Prosvjetna inspekcija kao poseban sektor Ministarstva - Inspektorat.

Član 5.

Inspektor je dužan u roku od tri (3) dana obavijestiti pismenim putem ministra u slučaju izgubljene ili znatno oštećene iskaznice i zatražiti izdavanje nove.

Nova iskaznica se izdaje tek nakon što se izgubljena ili znatno oštećena proglasi nevažećom u "Službenim novinama HNK".

Član 6.

Ukoliko inspektor po bilo kojoj osnovi izgubi status inspektora, dužan je iskaznicu vratiti ministru u roku od sedam (7) dana od dana gubitka statusa.

Ukoliko inspektor ne vrati iskaznicu u roku iz stava 1. ovog člana, istu će ministar proglasiti nevažećom u "Službenim novinama HNK".

Član 7.

O izdanim ili zamijenjenim iskaznicama Ministarstvo vodi evidenciju u Knjizi evidencije o izdanim i zamijenjenim iskaznicama prosvjetnih inspektora koja sadrži sljedeće podatke:

- redni broj,
- ime i prezime prosvjetnog inspektora,
- broj i datum rješenja o postavljenju,
- serijski broj iskaznice,
- datum izdavanja iskaznice,
- datum izgubljene ili oštećene iskaznice,
- datum izdavanja i serijski broj nove iskaznice,
- datum vraćanja iskaznice i
- napomene.

Obrazac Knjige evidencije o izdanim i zamijenjenim iskaznicama iz stava 1. ovoga člana nalazi se u prilogu ovog Pravilnika (obrazac broj 3. i 4.) i čine njegov sastavni dio.

Član 8.

Dvojne evidencije o izdanim iskaznicama za svaki organ uprave posebno vodi Ministarstvo pravosuđa, uprave i lokalne samouprave i svaku promjenu upisanu u evidenciju o izdanim i zamijenjenim iskaznicama rukovodioci organa uprave dužni su u roku od osam (8) dana dostaviti Ministarstvu pravosuđa, uprave i lokalne samouprave.

Član 9.

Iskaznice izdane po dosadašnjim propisima, zamijenit će se u roku od šezdeset (60) dana od dana stupanja na snagu ovog Pravilnika.

Član 10.

Pravilnik stupa na snagu narednog dana od dana objavljivanja u "Službenim novinama Hercegovačko-neretvanskog kantona".

Bosna i Hercegovina
 Federacija Bosne i Hercegovine
 Hercegovačko-neretvanski kanton
 Ministarstvo obrazovanja, nauke, kulture i sporta
 Broj: 05-01-40-1969/05.
 Mostar, 11. novembra 2005.

Ministar
 Jago Musa, prof. s.r.

155-1

Obrazac br. 1

grb	BOSNA I HERCEGOVINA Federacija Bosne i Hercegovine Hercegovačko-neretvanski kanton Ministarstvo obrazovanja, nauke, kulture i sporta	25x30
	ISKAZNICA Glavnog prosvjetnog inspektora	

Ime i prezime		
_____		_____
Serijski broj		Potpis
_____	M.P.	_____
Ev. broj		
_____		_____
Datum i mjesto izdavanja		Potpis ovlaštene osobe

Nositelj ove iskaznice ovlašten je temeljem Zakona o prosvjetnoj inspekciji (Sl. novine HNK br. 4/04) obavljati nadzor i poduzimati mjere u okviru svoje nadležnosti. Inspektor ima pravo pregledati poslovne prostorije, službene i druge akte, saslušati pojedine osobe, utvrditi identitet osobe, po potrebi kopirati, kao i obavljati radnje u skladu s Zakonom. Inspektori obavljaju nadzor uvidom u pojedinačne i opće akte, uslove načina rada u ustanovama na prostoru Kantona. Inspektori obavljaju inspeksijski nadzor u skladu sa Zakonom o prosvjetnoj inspekciji, zakona koji reguliše oblast odgoja i obrazovanja, i drugim propisima.

Obrazac br. 2

grb	BOSNA I HERCEGOVINA Federacija Bosne i Hercegovine Hercegovačko-neretvanski kanton Ministarstvo obrazovanja, nauke, kulture i sporta	25x30
ISKAZNICA		
prosvjetnog inspektora		

Ime i prezime		
_____	M.P.	_____
Serijski broj		Potpis
_____		_____
Ev. broj		Potpis ovlaštene osobe
_____		_____
Datum i mjesto izdavanja		

Nositelj ove iskaznice ovlašten je temeljem Zakona o prosvjetnoj inspekciji (Sl. novine HNK br. 4/04) obavljati nadzor i poduzimati mjere u okviru svoje nadležnosti. Inspektor ima pravo pregledati poslovne prostorije, službene i druge akte, saslušati pojedine osobe, utvrditi identitet osobe, po potrebi kopirati, kao i obavljati radnje u skladu sa Zakonom. Inspektori obavljaju nadzor uvidom u pojedinačne i opće akte, uslove načina rada u ustanovama na prostoru Kantona. Inspektori obavljaju inspeksijski nadzor u skladu sa Zakonom o prosvjetnoj inspekciji, zakona koji reguliše oblast odgoja i obrazovanja, i drugim propisima.

155-2

Obrazac broj 3
Format A-3

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
Ministarstvo obrazovanja, nauke, kulture i sporta

KNJIGA
EVIDENCIJE O IZDANIM I ZAMIJENJENIM ISKAZNICAMA
PROSVJETNIH INSPEKTORA

